



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

IX. Eadem acclamatione consensus omnium ostendebatur in Conciliis
Ephesino & Chalcedonensi, & in Romanis sub Hilaro & Symmacho.
Sapienter id notatum à Symmacho.

urn:nbn:de:hbz:466:1-15617

auctor fuerat. Et statim, *Ab universis Episcopis dictum est: Sententias fratrum omnes sequimus, omnes confirmamus, & observandas esse decernimus.* Hanc cognitionem his verbis clausit Hilarus: *Quoniam presentis definitio- nis formam, que secundum sanctorum est statuta sententiam, in omnium Ecclesiarum notitiam pervenire decernimus, ne cuiquam pro sui possit ignoratione licere quod non licet, edere gesta Notariorum sollicitudo curabit.*

V I. In hoc synodi Romanæ exemplo expressam habemus imperialis auctoritatis imaginem, cum de Senatusconsultis ad ejus relationem & orationem condendis agebatur. Quare scripto quoque sententiam suam Pontifices aliquando recitabant, que sententiis & acclamacionibus totius synodi muniebatur. Sic edita sunt decreta Felicis contra iteratum baptisma Africanorum & rebapti- zatorum pœnitentias. *Proinde, inquit, ut mani- festa sit super hoc nostra sententia, que nobis sunt visa recitentur.* Sic quoque in synodo Ro- mana Symmachus, recitatis per Notarium decretis, que ipse opportunitaria judicavit, post acclamaciones Episcoporum dixit: *Ergo universitat placet & ab omnibus recognoscitur vel probatur ista sententia?* *Universa synodus dixit: Placet; & quod omnibus placet, fiat.* Tandemque adjectit Symmachus: *Acclamaciones vestras synodique judicium presentia gesta suscipient.*

V II. Ordo censendi in his synodis, mos depromendi sententias per acclamaciones, judicium factum per discessiōnem, petita sunt ex more recepto in Senatu, quando Senatus- consultum fiebat. Hunc acclamandi Princi- pibus ritum viri eruditū jam olim illustra- runt, qui ē theatro in Senatum est admissus. Non temerē autem quid quisque vellet ac- clamabat, sed, ut in choris, erat aliquis cu- jus vox ceteris praeiret, hic formulam acclama- tionis concipiebat, reliquus cœtus nihil nisi acceptas ab eo voces reddebat. In accla- mando autem modulationem quadam uteban- tur, & saepius eadem verba resonabant. Semper autem in Actis Senatus adnotatum quo- ties quidque fuisset repetitum, quod ne hi- storici quidem neglexerunt. Nam legitur saepè apud scriptores historiæ augustæ, *Di- ctum quinques, dictum decies, dictum vices, imò & sexagesies apud Trebellium in Claudio.* Hinc vetus Ecclesia & acclamandi morem usurpavit, & formulas iis similes quæ in gratiam Principum proferebantur: quas in Acta ecclesiastica per Notarios pari diligentia re- ferebat. Extant in Actis Concilij Ephesini acclamaciones factæ Celestino & Cyrillo; & in Actis Concilij Chalcedonensis, acclama- tiones factæ Leoni: *Διντος πολλα τα επη.*

Felix in Decretis.

Catalub. in Notis
ad Vulcamum.

Παραιρχε πολλα τα επη.

V III. Sciendum autem est Senatuscon- sulta aliquando facta fuisse solis acclamatio- nibus, nullis sententiis dictis. quod factum refert Pollio in Senatusconsulto de Valeria- ni censura. Aliquando vero post acclama- tiones, interrogabantur Senatores, quod fa- ctem in electione Taciti Imperatoris, apud Vopiscum. Quandoque vero à sententia di- cenda incipiebant; post sequebantur accla- mationes approbantium sententiam ejus qui primus sententiam dixerat, cuius moris exemplum apud Capitolinum in Maximo & Balbino. Cum enim Sabinus sententiam di- xisset, acclamatum est uno consensu: *Et quum eft, iustum eft. Sabini sententie omnes consenti- mus.* Quandoque brevioribus verbis confe- sum fuum exprimebant, solenni formula, *Omnes, Omnes.*

I X. Simili acclamacione in Conciliis Ephesino & Chalcedonensi, & in Romanis sub Hilario & Symmacho, communis con- sensus omnium ostendebatur; ac præterea eadem varietate, post acclamaciones, vel ante, sententiae rogabantur, vel omittebantur, ut fieri solebat in Senatu. Quare non absque gravi causa Symmachus interlocutus est acclamaciones Episcoporum & judicium synodi in Acta esse redigenda; quia senten- tia & consensus synodi his acclamacionibus explicabatur.

C A P V T X I.

Synopsis.

I. *Ius relationis quod in synodis usurpatum est ab Episcopis Romanis, acceptum referri non debet Marciiano.* *Probatur ex Actis synodi Epiphine, ubi Celestinus eo iure usus est. Synodus illa aperiè profiteretur se Celestini epistola coactam ad ferendam sententiam aduersus Nestorium.*

I I. *Magni momenti sunt illa verba. Autoritas epistole Pontificis ea est ut parendi necessitatim inducat, si scripturis & traditioni majorum congruere reperiatur. Verba Concilij referuntur.*

I I I. *Firmi Catalub. Episcopi verba expenduntur, que auctoritatem Romani Pontificis respiciunt. Acclama- tiones Episcoporum facta Celestino & Cyrillo refu- runtur.*

I V. *Queritur an licuerit Oecumenica Synodo de aliquo fidei vel discipline capite decernere sine rela- tione Pontificis. Ita usurpatum à synodo Chalcedo- nensi.*

I. **R**E LATIONIS imperatoriae usum à Pontificibus Romanis in synodo Chalcedonensi & in Occidentalibus Conciliis usurpatum fuisse demonstravimus. Quod accepto ferendum non est rescripto Marciani, ac si Summus Pontifex ex indulgentia &